

**Ander Theil:**  
**Von den Früchten der Errichteten**  
**Leiblichen gegenwart vnd**  
**Niessung.**

Das Vierzehende Capitel.  
**Gegensatz der Lehre von der Beschneidung**  
**vnd Leiblichen Niessung. Zweck vnd mei-**  
**nung dieses andern Theils.**

**D**er Apostel Paulus in der Epistel  
 zum Galatern im fünfften Capitel/nach  
 dem er den irthum/welcher zur zeit der  
 ersten außbreitung des Evangelij vn-  
 ter den Heyden/bey vielen der erstglaub-  
 ighen Christen/sonderlich bey den Ga-  
 latern eingerissen/vnd grossen streit erregt/das nem-  
 lich nebenst dem Glauben an Christum/auch die leib-  
 liche Beschneidung nach dem Geseze Mosis/zur Se-  
 ligkeit nötig were/durch die ganze Epistel außführlich  
 widerleget/Beschleust er endlich mit diesen worten:  
 Ihr lieffet fein/wer hat euch auffgehalten/  
 der warheit nicht zugehorehen: Solch vber-  
 reden ist nicht von deme / der euch beruffen  
 hat. Ein wenig sawerteig versawert den gan-  
 tzen Teig. Ich versehe mich zu Euch in dem  
 Nexren/ ihr werdet nichts anders gesinnet  
 sein. Wer euch aber irre machet/der wird sein  
 p Ortheil